

■ DOMANDIS CLARIS

**Il Comitât 482
al sburte il Guvier**

Ratifiche de Cjarte europeane des lenghis minoritariis su la fonde dai nivei di tutele no plui bas di chei za previodûts de norme in vore; previodi tal prossim contrat tra il ministeri des Comunicazions e la Rai une buine programazion radiotelevisive in lenghe; intervignî su la formazion e pal ricognossiment professionai di/in lenghe furlane midiant de creazion di une classe di pueste tai concors; tornâ a meti lis risorsis originariis pe aplicazion de leç statâl 482 dal 1999 e garantîndi une distribuzion plui juste e ultin, un impegn pe cuistion de Cjarte di identitât bilengâl ancje pai furlans e pai gjermanofons dal Friûl, stant che in region za e je la pussibilitât pe minorance slovene di domandâle.

Chest in struc ce che il Comitât 482 al à domandât al viceministri dal Interni Filippo Bubbico, titolâr de deleghe aes minorancis storichis etnolinguistichis che in setemane al jere in region par incuintrâ lis istituzions a Udin.

SCOLTADIS DI DRIUS**Cence pinsirs**

Jo no ài el pinsîr di sielzi ce ordenâ tal ristorante. Jè simpri le me femine che decid ce che mi plasará mangjâ.



De bande dal popul furlan

Glesie furlane e presente, ai 26 di Avrîl a Vençon te sale Patriarcje Bertrant, la tesi di lauree che **Mauro Della Schiava** al à scrit par contâ lis batais a pro de identitât dal Friûl.

» DI CHRISTIAN ROMANINI



Mauro Della Schiava

Ason passâts 8 agns de muart di pre **Antoni Beline** e par ricuardâlu, parincj, amis e chei che a son stât cun lui plui dongje tes batais a pro de identitât dal Friûl, si cjatin come ogni an te domenie dopo de zornade dal aniversari, ai 23 di Avrîl: chest an ai 26 di Avrîl aes 4 dopomisdî, prime de Messe in sô memorie, Glesie Furlane e presente a Vençon te sale "Patriarcje Bertrant" la tesi di lauree "Glesie Furlane, Restâ cu la int" di **Mauro Della Schiava**.

Fi di emigrants, al nas a Schaffhausen (Svizzera) tal 1967. Si lauree in Storie Contemporane cul massim dai vôts li de Università di Trieste tal 2010, cul jutori

di Liliana Ferrari titolâr de Cattedre di Storie de Glesie.

La ricercje e conte i cuarante agns e lis lidris dal grup fondât di pre Checo Placerean. In chest moment al colabore cul mensîl La Patrie dal Friûl e cul grup di Glesie Furlane.

Parcè une tesi su Glesie Furlane?

"Parcè che nol è dome un grup di glesie e al è di simpri stât cul popul, sedi a nivel culturâl, sedi politic cuant che al à cjapât posizions claris come te Mozion dal Clero o de Ricostruzion. Purtrop une realtât pôcs a cognossin".

Cemût nassie la idee di publicâle?

"La relazion personâl cun pre

Toni Beline e je stade determinante, cuant che al è mancjât mi à someât doverôs meti dongje ce che al veve fat lui e chei prime di lui. Une storie no contade no esist e viodi che in pôcs le cognossevin mi à someât la maniere miôr par onorâlu e onorâ la mê int".

Cemût al cognossude Glesie Furlane?

"O jeri a stâ dongje Visepente, pais indulâ che al funzionave pre Toni, cussì ce che al diseve chel plevan nol jere comun e mi tontonave dentri. Cognossilu al voleve di cognossi Glesie Furlane. O ai aprofondît l'argument dome ae università, invezeit tai agns scolastics prime, mai sintût nuie... Une mancjanca no di pôc".

Ce funzion aial chest libri pal avignî de Associazion?

"La ricercje e da la sperance che si à di costruî alc vuê par un doman. Jerial facil fâlu in chê volte? No crôt. E alore nus tocje acetâ di jessi fis di chest timp e provâ noaltris a costruî alc. Se si semene si à sperance di cjapâ sù alc, se no si lu fâs... si è sigûrs di no spetà nuie".

Glesie Furlane e je stade fundamentâl pe traduzion dai tescj sacris: ce novitâts in cont de aprovazion dal Messâl par furlan?

"Il lavôr dal Messâl par furlan al è biel che pront, si à dome di vierzilu e leilu. Ce che al mancje e je la aprovazion definitiva di bande de CEI e la volontât liturgiche e culturâl di leilu in glesie".



ilfriuli@ilfriuli.it



SMS: 393 00 90700
 diretta@radiofantasy.it
 TEL. +39 0431 30022

la radio tra la gente

UDINE VENETO ORIENTALE	FM 90.700	GORIZIA	FM 89.100
PORDENONE	FM 95.800	TRIESTE	FM 89.100
		PAULARO	FM 107.700
		TOLMEZZO	FM 101.600

www.radiofantasy.it